



Arkivnr: 2017/692-65

Saksbehandlar: Bertil Søfteland

**Saksframlegg****Saksgang**

Utval	Saknr.	Møtedato
Fylkesvalstyret		24.08.2017

**Oppnemning av arbeidsutval til kontrollteljing****Samandrag**

Etter vallova skal fylkesvalstyret kontrollera gjennomføringa av fylkestingsvalet og m.a. kontrolltelja røystesetlane frå alle kommunane i fylket. For at ikkje arbeidsmengda skal bli for stor for fylkesvalstyret, blir det i saka føreslått å nemna opp arbeidsutval som kan stå for kontrollen som blir fordelt over fleire dagar og i nær samarbeid med Bergen kommune.

Forslag til medlemer til arbeidsutvala er sett opp. Dersom det er naudsynt for nokon å endre på den dagen ein er foreslått sett opp må ei eventuell endring ordnast mellom medlemene og partigruppene. Eventuelle endringar må vera klare før handsaming av saka i møte.

Tilbakemelding om endringar må meldast til sekretæren for fylkesvalstyret (tlf. 55 23 90 25 eller e-post: [bertil.softeland@hfk.no](mailto:bertil.softeland@hfk.no)) innan mandag 21. august.

**Forslag til vedtak**

1. Arbeidsutvala får fullmakt til å førebu fylkesvalstyret sin kontroll med gjennomføringa av fylkestingsvalet 2015 og i samband med det ta avgjerd i enkeltsaker og type av saker som ikkje er av prinsipiell rekkevidde.
2. Fylkesvalstyret nemner opp følgjande arbeidsutval i samband med kontroll av gjennomføringa av fylkestingsvalet 2015:
  - a) Arbeidsutval onsdag 13.09.2017  
Medlemer:
    1. Pål Kårbø (KRF)
    2. Roald Kvamme (AP)
    3. Mona Røssvik Strømme (H)
    4. Silje Hjemdal (FRP)
    5. Bente Bondhus (SP)
  - b) Arbeidsutval torsdag 14.09.2017  
1. Karen Sørensen Bernardini (AP)  
2. Silja Ekeland Bjørkly (H)  
3. Roald Stenseide (FRP)  
4. Mari Klokkerstuen Kjellesvik (AP)  
5. Anne Beth Njærheim (V)

- c) Arbeidsutval fredag 15.09.2017
  - 1. Aud Karin Oen (SV)
  - 2. Helge Nævdal (AP)
  - 3. Nils Marton Aadland (H)
  - 4. Tom Sverre Tomren (MDG)
  - 5. Sunnøve Solbakken (AP)
- 3. Fylkesrådmannen delegerast mynde til å ta avgjerer ved prøving av røystesetlar i alle saker som er kurante. Fylkesrådmannen kan delegere mynde vidare.

Rune Haugsdal  
fylkesrådmann

Ingrid Kristine Holm Svendsen  
fylkessjef økonomi og organisasjon

*Saksframlegget er godkjent elektronisk og har derfor ingen underskrift.*

## Fylkesrådmannen, 10.08.2017

Valdagen er 11. september. Etter vallova § 10-9 skal fylkesvalstyret kontrollera gjennomføringa av fylkestingsvalet på grunnlag av det materialet som blir sendt over frå kommunane. Dersom fylkesvalstyret finn feil ved valstyra sine avgjerder om å godkjenna eller vraka røystegjevingar eller røystesetlar, eller feil o oppteljinga, skal feila rettast.

Kommunelova § 10-4 opnar opp for at det kan opprettast arbeidsutval som kan få tildelt avgjerdsmynne. Regelen lyder:

*«Utvalget kan gi lederen eller et arbeidsutvalg myndighet til å treffen vedtak i enkeltsaker eller i typer av saker som ikke er av prinsipiell betydning, viss ikke kommunestyret eller fylkestinget har bestemt noe annet».*

Arbeidsutval som nemnd over bør få fullmakt til å førebu kontrollen med gjennomføringa v fylkestingsvalet, og ta stilling til enkeltsaker og spørsmål som kjem opp i samband med kontrollen. Eit notat om fylkesvalstyret sin kontroll og opplysningar om praktiske forhold knytt til dette vil vera sendt fylkesvalstyret sine medlemmer nærmare valdagen.

Fylkeskommunen har inngått eit samarbeid med Bergen kommune bl.a. når det gjeld oppteljing av røystesetlar. Dette har vore slik for alle vala sidan valet i 2003. Tidlegare har Hordaland fylkeskommune og Bergen kommune og samarbeida når det gjeld sjølv valsystemet som vart nytta. Ved stortingsvalet i 2013 vart dette endra i og med at det er utarbeidd eit sentralt valsystemet, EVA frå Kommunal – og regionaldepartementet som vart nytta for kontroll og valoppgjer.

Røystesetlane vert talde maskinelt (skanna) og overført valsystemet EVA som ivaretok opplysningane og registrerer det som er naudsynt for å føreta eit valoppgjer. Systemet registrerer endringane på listene. Det vil seie at det blir registrert kor mange personrøyster den enkelte får og nummerrekkefølgja av kandidataene. Når det gjeld praktisk gjennomføring av kontrollteljinga vert den tekniske tenesta vedrørande bruk av maskiner/system/personale gjennomført i samarbeid med Bergen kommune, men slik at det skjer under fylkesvalstyret sitt oppsyn.

Etter vallova skal kommunane telje røystesetlane 2 gonger, først ei grovteljing (som i større kommunar skjer hos stemmestyra) og ei finteljing (endelig teljing), deretter skal fylkesvalstyret kontrolltelja stortingsvalet frå alle kommunane.

Kontrollteljinga og gjennomgangen av møtebøkene frå valstyra må skje når valoppgjeret er kome inn frå kommunane. Dette regnar vi med å få inn onsdag foremiddag. Alle røystesetlane frå kommunane skal teljast på nytt av fylkesvalstyret. Dette vil då skje onsdag, torsdag og fredag. Det er vanskeleg å anslå kor lang tid denne teljinga (skanninga) /kontrollen vil ta. Valstyra sine møtebøker frå kommunane må og kontrollerast. Kontroll og teljing vil gå føre seg i Bergen rådhus.

Når kontrollteljing er ferdig kan valoppgjeret ta til. I møteplanen er det lagt opp til at fylkesvalstyret måndag 18. september føretekkendeleg valoppgjer. Administrasjonen vil då ha kort tid på seg til å få alle resultat og merknader/forklaringar inn i møteboka.

Opplegget som skissert over føreset at fylkesvalstyret kan vera til stades i Bergen rådhus når møtebøkene frå valstyra skal gjennomgåast og røystesetlane teljast. Det bør rasjonaliserast slik at ikkje heile fylkesvalstyret blir bunde opp over fleire dagar. Det er difor lagt opp til å dele fylkesvalstyret i tre arbeidsutval slik at det i utgangspunktet er fem medlemer til stades under teljingane. Minimum må det vera tre kvar dag. Dette for at ein skal vera vedtaksfør.

Medlemane i den enkelte arbeidsutvala må vera til stades i Bergen rådhus den dagen dei er sett opp. Dersom det er naudsynt for nokon å endre på den dagen ein er føreslått sett opp, må ei eventuell endring

ordnast mellom medlemene og partigruppene sjølv, slik at endringane er klare før handsaming av saka tek til.

Tilbakemelding om endringar må meldast til sekretæren for fylkesvalstyret (tlf.: 55 23 90 25 eller e-post: bertil.softeland@hfk.no) innan måndag 21. august.

Det er fylkesvalstyret som skal godkjenne forkasta røystesetlar og røystegjevingar, på lik line med resten av valoppgjeret. Systemet som direktoratet har teke i bruk er i år lagt opp slik at dei forkasta røystesetlane må godkjennast før valoppgjeret kan produserast. Samtidig er det ikkje moglegheit for å gjere endringar på dei forkasta røystesetlane etter at dei er godkjent.

Røystesetlar vert føreslått forkasta jf. Vallova § 10-3 dersom dei:

- Ikke har offentleg stempel
- Det ikkje er klart kva val røystesetelen gjeld
- Det ikkje er klart kva parti eller gruppe veljaren har stemt på
- Partiet eller gruppa ikkje stillar liste i fylket.

Vilkår er kumulative, det vil seie at alle vilkåra må vere oppfylte for at røystesetelen kan godkjennast. Vedlagt saka er retningslinjer som er under utvikling for å sjå til at vilkår over vert heldt og at ein ikkje føreslår å forkaste røystesetlar som skal godkjennast. Retningslinene vert utarbeida i samarbeid med Bergen kommune.

Ei oversikt over dei forkasta røystesetlane for kvar kommune kjem fram i valoppgjeret som fylkesvalstyret skal godkjenna. Dei forkasta røystesetlane vert fordelt på kva vilkår som ikkje var oppfylt jamfør med valloven § 10-3.

Prøving av dei forkasta røystesetlane bør gjerast fortløpande for å få ein effektiv prosess og sjå til at valoppgjeret vert klart så snart som mogleg. For å unngå at valoppgjeret vert utsett vert det anbefala at fylkesrådmann får delegert mynde til å ta avgjersler ved prøving av røystesetlar i alle sakar som er kurante og at fylkesrådmannen kan delegere mynde vidare. Det vil seie alle saker som er klart innanfor dei fire vilkåra over. Dette har vore praksis ved tidlegare val. Erfaring visar at det er få røystesetlar der ein avgjerd ikkje kan takast på bakgrunn av dette.

Kommuneloven § 23-4 gir «*kommunalt folkevalgt organ mulighet til å gi administrasjonssjefen myndighet til å treffe vedtak i enkeltsaker eller typer av saker som ikke er av prinsipiell betydning, hvis kommunestyret ikke har bestemt annet*». Kommuneloven opererer med omgropa «*enkeltsaker og saker som ikke er av prinsipiell betydning*». Avgjerder i desse typar saker kan delegerast til administrasjonen. Dette omfattar saker som vert prega av lite skjønn, og er avgrensa til røystesetlar som kan godkjennast eller openbart forkastast jamfør vallova § 10-3. Avgjerder som ikkje er kurante skal leggast føre arbeidsutvalet til handsaming.